

«ТАСДИҚЛАЙМАН»  
Тошкент вилояти статистика  
бошқармаси бошлиғи в.б.

А.А.Каримджонов

«25» октябрь 2017 й.

## Дастурий-техник таъминот ва маълумотларни сақлаш Маркази тўғрисида НИЗОМ

### 1-боб. Умумий қоидалар

1. Мазкур Низом Тошкент вилояти статистика бошқармаси Дастурий-техник таъминот ва маълумотларни сақлаш Марказининг (кейинги ўринларда Марказ деб аталади) мақоми, асосий вазифалари ва функциялари, ҳуқуқ ва мажбуриятлари, шунингдек, унинг фаолиятини ташкил этиш тартибини белгилайди.
2. Марказ Ўзбекистон Республикаси Президентининг 2017 йил 31 июлдаги “Ўзбекистон Республикаси Статистика бошқармаси фаолиятини такомиллаштириш чора-тадбирлари тўғрисида”ги ПҚ-3165-сон қарорига мувофиқ ташкил этилган ва Тошкент вилояти статистика бошқармасининг (кейинги ўринларда Статистика бошқармаси деб аталади) таркибий бўлинмаси ҳисобланади.
3. Марказ ўз фаолиятида Ўзбекистон Республикаси Конституциясига, Ўзбекистон Республикасининг “Давлат статистикаси тўғрисида”ги қонуни ва бошқа қонунларига, Олий Мажлиснинг меъёрий қарорларига, Ўзбекистон Республикаси Президенти фармонлари, қарорлари ва фармойишларига, Вазирлар Маҳкамаси қарорлари ва фармойишларига Ўзбекистон Республикаси Ахборот технологиялари ва коммуникацияларини ривожлантириш вазирлиги қарорлари ва тавсияларига, “Тошкент вилояти статистика бошқармаси тўғрисида”ги Низомга, мазкур Низомга, шунингдек бошқа қонун ҳужжатларига амал қилади.
4. Статистика бошқармаси тизимида, Марказ фаолияти ахборот-коммуникация технологияларини (АКТ) ривожлантириш, Статистика бошқармаси фаолиятида фойдаланиш самарадорлигини ошириш, давлат интерактив хизматлар фаолиятини ривожлантириш, дастурий таъминот ва махсулотлар билан таъминлашга йўналтирилган.
5. Марказ ўз фаолиятини Статистика бошқармаси бошлиғи раҳбарлигида амалга оширади.

### 2-боб. Марказнинг асосий вазифалари ва функциялари

6. Қуйидагилар Марказнинг асосий вазифалари ҳисобланади:
  - а) ахборот-технологияларни ривожлантириш соҳасида:  
Статистика бошқармасининг ахборот технологияларини жорий этиш ва ривожлантиришда ягона технологик сиёсатни аниқлаш;

идоралараро ахборот алмашинуви механизими ва регламентини ишлаб чиқишда иштирок этиш.

*б) интерактив давлат хизматлари ва ахборот ресурсларини ривожлантириши соҳасида:*

Статистика бошқармаси тизимидаги интерактив давлат хизматларини ривожлантиришга қаратилган аҳамиятли йўналишларни аниқлаш;

Статистика бошқармаси кўрсатаётган интерактив давлат хизматлари сифатини ошириш ва келажакдаги ривожланишини таъминлаш;

ахборот ресурслари, ахборот тизимлари ва интерактив давлат хизматларини ишлаб чиқиш ва жорий этиш;

Статистика бошқармасининг интернет-ресурсларини ишлашини ва ривожланишини таъминлаш.

*в) статистик ишларни дастурлаштириши ва хизмат кўрсатиши соҳасида:*

функционал статистик масалаларни ечишини таъминловчи ихтисослаштирилган дастурларни жорий этиш, қўллаб – қувватлаш ва ривожлантиришга оид ишларни ташкиллаштириш;

замонавий ахборот технологияларини жорий этиш ва ундан самарали фойдаланиш, статистик маълумотларни сифатини ошириш, маълумотларни қайта ишлаш, узатиш ва таҳлил қилиш жараёнларини соддалаштириш ва тезлаштириш;

статистик материалларни ишлаб чиқишнинг автоматлаштирилган комплексини яратиш бўйича лойиҳа ишларида иштирок этиш;

Статистика бошқармаси ва ҳудудий статистика органларининг ҳисоблаш техникасини таъмирлаш ва техник хизмат кўрсатиш;

Статистика бошқармаси ва ҳудудий статистика органларининг локал ва корпоратив тармоқларини назорат қилиш ва бошқариш.

*г) ахборот хавфсизлиги ва электрон маълумотлар базаси архивини сақлаш соҳасида:*

статистик маълумотларнинг ахборот хавфсизлигини таъминлаш;

Марказ ваколатига кирувчи электрон маълумотлар базаси архивини сақлашни такомиллаштириш бўйича тизимли ишларни олиб бориш;

электрон маълумотлар базаси архивини сақлаш тизими фойдаланувчиларига сифатли хизмат кўрсатишни таъминлаш.

7. Бошқармага юклатилган ишларни бажаришда қуйидаги функцияларни амалга оширади:

Статистика бошқармасининг ахборот технологиялари доирасида ягона технологик сиёсатни ташкиллаштиради;

Давлат статистика органларида янги ахборот технологияларини жорий этишни мувофиқлаштиради ва ишлашини таъминлайди;

Статистика бошқармаси расмий веб-сайтини ва бошқа интернет-ресурсларни юритиш ва техник қўллаб қувватлашни амалга оширади;

Бошқарма ваколатлари доирасида давлат дастурлари ва ахборотлаштириш лойиҳаларини ишлаб чиқиш, экспертизадан ўтказиш ва амалга оширишда иштирок этади;

интерактив давлат хизматларини, ахборот тизимларини ва ахборот ресурсларини ҳамда функционал статистик масалаларни ечишни таъминловчи ихтисослаштирилган дастурларни жорий этиш, қўллаб қувватлаш ва ривожлантириш;

электрон маълумотлар базасини архивини сақлашни таъминловчи тизимларни назорат қилишни амалга оширади;

худудий статистика органларига ахборот технологияларини жорий этиш ва ривожлантириш бўйича услубий ва консултатив ёрдам кўрсатади;

Статистика бошқармаси ва худудий статистика органларининг ҳисоблаш техникасини таъмирлаш ва техник хизмат кўрсатиш ишларини олиб боради;

Марказ ваколатига кирувчи полиграфия ишларини амалга оширади;

статистик маълумотларнинг ахборот хавфсизлигини таъминлаш бўйича ишларни бажаради;

Статистика бошқармаси ва худудий статистика органларининг локал ва корпоратив тармоқларини назорат қилиш ва бошқариш ишларини амалга оширади;

Давлат статистика органларида ахборот ресурслари, маълумотлар базаси, ахборот тизимлари ва интерактив давлат хизматларини жорий этиш бўйича Ўзбекистон Республикаси Давлат статистика қўмитаси ва Ўзбекистон Республикаси Ахборот технологиялари ва коммуникацияларини ривожлантириш вазирлиги томонидан қабул қилинган қарорлар ижросини таъминлайди;

Марказ ходимларининг доимий равишда малакасини оширади;

Марказга юкланган бошқа функцияларни ўрнатилган тартибда амалга оширади.

### **3-боб. Марказнинг ҳуқуқлари ва мажбуриятлари**

8. Марказ ўзига юклатилган вазифалар ва функцияларни бажаришда қуйидаги ҳуқуқларга эга:

ўз фаолиятини юритиш учун зарур бўлган сервер хона ва асбоб ускуналар билан таъминланиши;

ўзига юклатилган вазифалар ва функцияларни бажариш давомида белгиланган тартибда Статистика бошқармасининг бошқа бўлинмалардан ва худудий статистика органларидан маълумотларни сўраш ва олиш;

Статистика бошқармасида мавжуд информацион базалардан фойдаланиш;

Статистика бошқармаси раҳбариятига давлат статистика органларида ахборот-коммуникация технологияларини ривожлантириш масалалари бўйича таклифлар киритиш;

Давлат статистика органларида ахборот-коммуникация технологияларини жорий этиш ва ривожлантириш бўйича ишларни мувофиқлаштириш;

Марказ ваколатига кирувчи ишларни бажариш бўйича мувофиқлаштириш ва назорат қилиш;

Марказ ваколатига кирувчи масалалар бўйича Статистика бошқармаси бўлимлари билан инструктив мажлислар ўтказиш;

Марказ фаолиятига таалуқли масалалар бўйича конференция ишларида, шу жумладан семинар ва мажлисларда, шунингдек лойихаларда иштирок этиш.

9. Марказнинг жавобгарлиги:

ўзига юклатилган вазифаларни ҳаққоний тарзда ва самарали амалга ошириш;

ваколатига кирувчи таҳлилий ва бошқа маълумотларни юқори даражада таёрлаш;

Марказ ходимлари томонидан белгиланган меъёрий-ҳуқуқий ҳужжатларга мувофиқ ижро интизомини таъминлаш;

Марказга келиб тушган ва чиқаётган материаллар бўйича давлат ва тижорат сирларининг сақланиши, яқка тартибдаги маълумотларнинг махфийлигига риоя қилиниши учун жавобгар бўлади.

#### **4-боб. Марказ тузилмаси**

10. Марказ тузилмаси таркибига Марказ бошлиғи, етакчи муҳандис-дастурчи, ҳисоблаш техникасини таъмирлаш бўйича етакчи муҳандис, етакчи муҳандис-система маъмури, ахборот хавфсизлиги бўйича етакчи муҳандис, 1-тоифали муҳандис-дастурчи, ҳисоблаш техникасини таъмирлаш бўйича 1-тоифали муҳандис, 1-тоифали муҳандис-система маъмури киради.

11. Марказнинг ишларида Марказ бошлиғи раҳбарлик қилади.

12. Марказ бошлиғи ва ходимлари Статистика бошқармаси бошлиғи томонидан лавозимга тайинланади ва лавозимдан озод қилинади.

#### **5-боб. Марказ фаолиятини ташкил этиш**

13. Марказ ўз фаолиятида Ўзбекистон Республикаси Конституциясига, Ўзбекистон Республикасининг “Давлат статистикаси тўғрисида”ги қонуни ва бошқа қонунларига, Олий Мажлиснинг меъёрий қарорларига, Ўзбекистон Республикаси Президенти фармонлари, қарорлари ва фармойишларига, Вазирлар Маҳкамаси қарорлари ва фармойишларига Ўзбекистон Республикаси Ахборот технологиялари ва коммуникацияларини ривожлантириш вазирлиги қарорлари ва тавсияларига, “Тошкент вилояти статистика бошқармаси тўғрисида”ги Низомга, мазкур Низомга, шунингдек бошқа қонун ҳужжатларига амал қилади.

14. Марказнинг иш режаси Статистика бошқармаси бошлиғи томонидан тасдиқланадиган Статистика бошқармасининг иш режалари асосида шакллантирилади ва Статистика бошқармаси бошлиғи томонидан тасдиқланади.

15. Марказ таркибига кирувчи ходимларнинг лавозим вазифалари Марказ бошлиғи томонидан таёрланиб Статистика бошқармаси бошлиғи томонидан тасдиқланади.

**Марказ бошлиғи:**

**М.Мирҳосилов**